

Inombolo yefayili.: 19/2/P  
Isalathiso: 20240201-1407

INGcaciso eMfutshane yeCandelo loLawulo loVavanyo: 0002/2024

Iya: KumaSekela Balawuli-Jikelele, kuBalawuli abaziiNtloko, kuBalawuli (kwaNdlunkulu nakwii-ofisi zezithili), kumaSekela-Balawuli, kwiiNgcali zeMfundo eziziiNtloko, kwiiNtloko zoKunika iNkxaso kwiKharityhulam, kwiiNtloko zoLawulo noKuphathwa kwaMaziko, kuBaphathi beeSekethe, kumaSekela eeNgcali zeMfundo eziziiNtloko, kuBaququzeleli boVavanyo neeMviwo, kuBacebisi ngeZifundo nakwiiNtloko zawo onke amaziko emfundo alungiselela abaviwa kwiimviwo zeSatifikethi seMatriki sikaZwelonke

## **Isihloko: Ukuphathwa nokulawulwa kwezicelo zotshintsho lwezifundo nezezilungiso zamaBakala 10-12**

1. Injongo yale ngcaciso imfutshane kukucela iinqununu ziqinisekise ukuba abafundi babhaliswe ngokuchanekileyo kwi-CEMIS. Bonke abafundi bamaBakala 10-12 mababhaliswe ngokuchanekileyo kwizifundo abazifundayo kwanokuba iinkcukacha zabo zifakiwe ngokuchanekileyo kwi-CEMIS ekuqaleni konyaka ngamnye.
2. **Izilungiso zezifundo**
  - 2.1 Xa umfundi ebhaliswe ngokungachanekanga kwi-CEMIS ngenxa yempazamo yezolawulo, kuyimfuneko ukwenziwa **kwezilungiso zezifundo**.
  - 2.2 Isikolo sinokuzenza (process) izilungiso kwi-CEMIS. Mazibhalwe ngolu hlobo lucaciswe kwi-CEMIS.
  - 2.3 Ukuba akungeneki kwi-CEMIS, isikolo masicele uMququzeleli woVavanyo kwi-ofisi yesithili semfundo sokuba azenze izilungiso ukulungiselela amaBakala 10-11.

2.4 Emva kokuba i-CEMIS ivaliwe, naziphi na izilungiso zezifundo zabafundi beBakala 12 mazicelwe kwiCandelo loLawulo loVavanyo kwiSebe leMfundo leNtshona Koloni (iSebe i-WCED). Niyakhunjuzwa ukuba izilungiso zezifundo zabafundi beBakala 12 mazigqitywe ungalulanga **owe-15 Matshi** qho ngonyaka.

2.5 Zonke izicelo zezilungiso kwizifundo mazikhatshwe ziingxelo zekota njengobungqina besifundo (bezifundo) umfundi asenzayo phambi kokuba kwenziwe izilungiso.

### 3. Utshintsho lwezifundo

3.1 **Utshintsho lwesifundo** lufuneka xa umfundi etshintsha isifundo (izifundo) asifundayo.

3.2 IMimiselo *Regulations Pertaining to the National Curriculum Statement Grades R–12, 2016* epapashwe kwiGazethi kaRhulumente No. 40472 ye-02 Disemba 2016 kunye neSetyhula 0028/2016, yomhla we-30 Julayi 2016, icacisa imihla emiselweyo yonyaka kubazali/kubagcini babafundi nakubafundi yokucela utshintsho lwezifundo kumaBakala 10–12.

3.3 Imihla emiselweyo yotshintsho lwezifundo ngo-2024 yile ilandelayo:

IBakala	Utshintsho lwezifundo oluvumelekileyo	Isicelo somzali/somgcini womfundi/somfundi	Okwenziwa sisikolo
10	2	14 Juni	19 Julayi <b>kwi-CEMIS</b>
11	2	20 Matshi	12 Apreli <b>kwi-CEMIS</b>
12	1 kuphela, kwiimeko ezizodwa*	15 Disemba wonyaka weBakala 11	26 Januwari wonyaka weBakala 12 <b>kwi-CEMIS</b>

*\*Xa umfundi etshintsha ukusuka kwiMathematika ukuya kuLwazi lweMathematika (Mathematical Literacy), aze umfundi afune ukwenza i-Physical Sciences, i-Physical Sciences mazitshintshwe nazo. Kungoko kuphela apho luvumelekileyo utshintsho olwenziwa kabini kwiBakala 12.*

3.4 Umgaqo-nkqubo wovavanyo wesikolo mawuyicacise ngokucacileyo inkqubo yokutshintshwa kwezifundo ephunyezwe kwinqanaba lesikolo. Mayibandakanye oku kulandelayo:

- 3.4.1 Ukuqatshelwa kwangoko kwabafundi kumaBakala 10-11 ukulungiselela utshintsho lwezifundo kubaluleke kakhulu. Ootitshala besifundo mabachonge abafundi abasemngciphekweni kwisifundo esithile baze bacebise ngotshintsho lwesifundo abazali/abagcini babafundi ngencwadi ebhaliweyo. Utshintsho kufuneka lwenziwe kulungiselelwa umfundi ngeyona ndlela ibhetele.
- 3.4.2 Umzali/umgcini womfundi makenze isicelo sokutshintsha isifundo kwinqununu ngencwadi ebhaliweyo.
- 3.4.3 Inqununu iya kuthetha-thethana nomfundi, nomzali/nomgcini womfundi kunye notitshala wesifundo yaye makufikelelwe kwimvumelwano malunga nokuba ngaba utshintsho lwesifundo olo luyeyona nto ilungele umfundi ngeyona ndlela ibhetele.
- 3.4.4 Emva kothetha-thethwano olufanelekileyo nasemva kokuba kufikelelwe kwimvumelwano, inqununu, umzali/umgcini womfundi notitshala wesifundo mabasayine **uXwebhu lweMvumelwano (Memorandum of Agreement) (isiHlomelo A)**, olubonisa ukuba utshintsho lwesifundo lwenzelwa ukulungiselela umfundi ngeyona ndlela ibhetele.
- 3.4.5 Isikolo nomzali/nomgcini womfundi baya kwabelana ngoxanduva lokuqinisekisa ukuba iimfuno zesifundo zomfundi ziyaqwalaselwa.
- 3.4.6 Umlawuli we-CEMIS wesikolo makagcine ikopi yoXwebhu lweMvumelwano (*Memorandum of Agreement*) ukulungiselela iinjongo zeerekhodi.
- 3.4.7 Lonke utshintsho lwezifundo kumaBakala 10–11 luya kuvunywa yinqununu luze lufakwe kwi-CEMIS.
- 3.4.8 Amagosa akwaNdlunkulu nawezithili aya kubeka esweni ezi zicelo zotshintsho lwezifundo.
- 3.5 Apho kucelwe utshintsho lwezifundo ukwenzela abafundi beBakala 11 ngoDisemba, iinqununu kufuneka zinike ubungqina bokuba ziye zadibana nabo baza kuba ngabazali/ngabagcini babafundi beBakala 12 phakathi koNovemba nowe-15 Disemba kunyaka weBakala 11 yaye banike ingxelo eyimfuneko neengcebiso ngokumalunga neziphumo zeBakala 11, ukwenzela ukuba kuvunyelwane ngazo zonke izicelo zokutshintsha izifundo ngabazali/ngabagcini babafundi nootitshala yaye zisingathwe kwangethuba qho ngonyaka.
- 3.6 Iinqununu azivumelekanga ukuba zenze naluphi na utshintsho lwezifundo kubafundi bazo beBakala 12 yaye azivumelekanga nokuba zibatshintshale abafundi kwiklasi yesifundo esitsha ngaphandle kwemvume yeSebe iWCED.
- 3.7 Ukophulwa kwale migaqo kuya kuthathwa njengesenzo esixhomisa amehlo.

#### 4. **Utshintsho lwezifundo lwasemva kwexesha elimisiweyo**

- 4.1 Akukho tshintsho lwezifundo lwasemva kwexesha elimisiweyo oluya kuvunyelwa.
- 4.2 Indlela aqhube ngayo umfundi kwisifundo phakathi enyakeni ayisayi kuba sisizathu esibambekayo sokwenza isicelo sotshintsho lwesifundo lwasemva kwexesha elimisiweyo.
- 4.3 Ukuba iimeko ezingqongileyo (*contextual factors*) zibangela ukuba kwenziwe nasiphi na isicelo sotshintsho lwesifundo; isicelo siya kuvavanywa ngokuqwalaselwa kobume bokufaneleka kwaso (*merit*) ngala magosa alandelayo achaphazelekayo:
  - 4.3.1 KumaBakala 10-11: nguMququzeleli woVavanyo weSithili;
  - 4.3.2 KwiBakala 12 liCandelo loLawulo loVavanyo makuthunyelwe kulo: ([Deborah.Williams@westerncape.gov.za](mailto:Deborah.Williams@westerncape.gov.za))
- 4.4 Makunikwe izizathu zokwenza isicelo ngencwadi ebhaliweyo.
- 4.5 Abazali/abagcini babafundi banokufaka isicelo sesibheno ngokusingenisa esikolweni kuqala kwiintsuku ezisixhenxe ngokumalunga nesicelo esikhatyiweyo.
- 4.6 Ukwenzela ukuba isicelo sesibheno siqwalaselwe, onke amaxwebhu afanelekileyo axhasayo makaqhotyoshelwe.
- 4.7 Izicelo zezibheno namaxwebhu afanelekileyo mazithunyelwe kuNks Deborah Williams ([Deborah.Williams@westerncape.gov.za](mailto:Deborah.Williams@westerncape.gov.za)) yaye mazikhatshwe yifom ezaliswe zonke iinkcukacha, **iFom yesiBheno –utshintsho lwezifundo emva komhla wokuvala (IsiHlomelo B)**.
- 4.8 Izicelo zezibheno ziya kuqwalaselwa zingadlulanga iintsuku ezilishumi zokufunyanwa kwesicelo nguMlawuli oyiNtloko weCandelo loVavanyo neeMviwo yaye isigqibo sakhe sesokugqibela.

#### 5. **Izifundo ezongezelelweyo**

- 5.1 Abafundi abenza isifundo sesibhozo nangaphezulu mabakwenze oko beqalela kwiBakala 10. Abafundi abavumelekanga ukuba babhalisele izifundo ezongezelelweyo kumaBakala 11 okanye 12.
- 5.2 Xa kwenziwa isicelo sokuba isifundo esongezelelweyo songezwe kumaBakala 10–12 njengenxalenye yesilungiso kwisifundo, makungeniswe njengobungqina, iingxelo zekota ezibonisa ukuba isifundo eso besifundiswa kwiBakala 10.

6. Ilenzo zokungathotyelwa komgaqo-nkqubo wovavanyo wesikolo okanye ezokubhaliswa ngokungachanekanga kweenkcukacha zokubhaliswa kwabafundi nezezifundo kwi-CEMIS ziya kugqithiselwa kuMlawuli weCandelo loLawulo loVavanyo ukwenzela ukuba kwenziwe uphando olungaphezulu yaye kunokuthathwa amanyathelo oluleko ngokuqhubekayo.
7. Ziyakhunjuzwa izikolo ukuba idatha yobhaliso ye-CEMIS isetyenziselwa ukuvelisa ii-Subject Record Sheets apho kurekhodwa khona ii-School-Based Assessments kuzo zonke izifundo. Idatha yobhaliso ikwasetyenziselwa ukubhalisa abafundi beBakala 12 kwi-Integrated Examination Computer System. Kubaluleke gqitha ke ngoko ukuba izikolo ziqinisekise ukuba yonke idatha yabafundi ifakwa ngokuchanekileyo kwi-CEMIS.
8. Iinkcukacha zabafundi (iinkcukacha zomntu kunye nezifundo), njengoko ziboniswe kwi-CEMIS ukususela ngowe-**15 Matshi**, ziya kusetyenziselwa ukubhalisa abafundi beBakala 12 kuviwo lweSatifikethi seMatriki sikaZwelonke.
9. Kubalulekile ke ngoko ukuba iinqununu zikuqinisekise ukuchaneka kwedatha yomfundi weBakala 12 kwi-CEMIS ungadlulanga owe-15 Matshi.
10. Kucelwa nazi ukuba iishedyuli zokuqala zeBakala 12 mazingeniswe kwiCandelo leeMviwo noVavanyo ngo-Apreli 2024. Izikolo maziqinisekise ukuba yonke iprofayili yomfundi nengcaciso yesifundo zingqinisisiwe njengezichanekileyo. Ishedyuli yokugqibela iya kuthunyelwa ngo-Agasti 2024 yaye emva kokungeniswa kwiCandelo leeMviwo noVavanyo, iinkcukacha zomfundi weBakala 12, ziya kuthathwa njengezokugqibela yaye akukho zilungiso zinokwenziwa.
11. Kucelwa iinqununu namagosa ezithili zemfundo zazise okubhalwe kule ngcaciso imfutshane bonke ootitshala, abazali/abagcini babafundi kunye nabafundi ukuze bakuthathele ingqalelo.

**SAYINA:** H MAHOMED

**USEKELA MLAWULI-JIKELELE WEKHARITYHULAM NOLAWULO LOVAVANYO**

**UMHLA:** 2024-02-07